

Hoofdstraat 39
Postbus 5, 7800 AA Emmen
Telefoon 05910-18600

KvK Meppel nr. 1147
Postgiro 2554536
Bank AmroBank 46.14.20.805

*mw Anuuke Scholten
stichting Manneger TOSL
Martini kerkhof 27
9712 JH Groningen*

Uw ref.:

Onze ref.:

Emmen

*Wegener
Gruw*

chapeau:

Cassette mit opnoamen van 'Veur Auwerd en ZuudhCorn'

kop:

Dreuge kemiek aan n wotterbak in Wij

GRUNNEN - Bie de stichting Grunneger Toal kin je t cassettebandje kriegen, moakt op zundagmCorn van 25 oktober lestleden in Wij (Wehe den Hoorn) van 'Veur Auwerd en ZuudhCorn'. n Nij Grunneger cultureel programma, soamensteld deur Siemon Reker noar t medel van 'Sloaperstil'. Ie kinnen nog nait vergeten wezen, hoe singelier dij radio-oetzenden wel west het.

Dizze keer was der volk bie. Goie verstoanders, doar nait van. Ook goud veur t begeestern van veuroedroagers en zangers in 't Marnehoes. Mor t programma wuir der wel lewaaieger van. Benoam op steeCen, dat ie aans wend wazzen inneg te luusteren noar kenoal dattien. En dat deden ie maistieds ja, as goie Grunnegers op de vrouge zundagmCorn.

Bie t heurspul 't Hoetmansmeermantje' kin t gegiebel van de toukickers in Wij zulfs irritant waarken. As luusteroar noar dizze opnoamen waiten ie ja nait, woaroom ze nou laggen. t Dut ook gain goud aan de 'sfeer', dij deur de speulers van 'Waark' oproupen wodt. Mor ja, hol joe ook mor ais goud, as je zain, hou dreug kemiek Dick Drent mit zien, vrumde raive aggewaaiert bie n volle wotterbak. Dij mos t Hoetmansmeer veurstellen. En Dick was t Hoetmansmeermantje, van de 'spesioale effecten' den. En heur ook dij vraauwlu ais eem: krekt oaksters...

t Sprookje van Grøe van der Veen is wel hail mooi bewaarkt as heurspul en wodt knap speuld. Al duurt t wat laank. Krekt as de historische oetleg van Haarm van der Veen. Dij rakt mor nait oetproat over Jan Gerrit Rijkens. Dat het ooit n 'verlichte' meester west in Wij, as zodoaneg n goie leerling van Hendrik Wester oet de Pekel. Mor van mie maggen Janneke Geertsema en heur teneelvruunden en -vruundinnen dit 'Waark' voaker doan. Mit en zunder volk der bie.

„Wie lopen slim oet, mor gaan toch mor deur“ zee Reker. Hai kon de luusteroars den ook twee uur baand veur de pries van anderhaalf in oetzicht stellen. Mooi mitnomen, veur vieftien gulden thoesbezAorgd. Alderdeegs n koopje van Wijster maart.

Blijft het bie ain moal 'Veur Auwerd en ZuudhCorn'? „De mAinsen, dij t programma van vanmCorn moakt hebben, dij zellen nog wat noaproaten“, zee Reker. „Of zokswat voaker doan worden mot? Och, as ze vienden, dat t nait mot, as ze vienden, dat t aalmaal niks om hakken het... Den het dij ol Ter Loan al weer geliek had. Onder 'Wij' schrift e in zien woordenboek: 't Is schiet van Wijster maart, wat heel wat lijkt en niets is. Niets beduidende praat'. Dag lu'.

Dat zee e ook oet noam van Henk Bemboom, Kees Visscher, Harm van der Veen, Simen Visser en Gerard Drewes; toneelgroep Waark: Janneke Geertsema, Jopie Dijkstra, Annie Otto, Diederik Otto, Dick Drent, Foske Hopma Zijlema, Max Sietsema, Francien K. van Tongeren, Harm Hilberdink; Alex Vissering en Freek Lagerweij; Sietse M. Hielema (Marnehoes), Harm Berkhout en Rob Bakker (opnametechniek).

As je dij noamen bienander zain, den bedudt dan toch wel wat. Mor: overtuug joezulf. As der teminnent nog cassettes over binnen. De maisten bin al vot gaan noar zaikenomroepen in haile pervinzie en aan lu, dij der dou in Wij vot op intaikend hebben. Ie zollen t nog perbaaiern kinnen bie Grunneger Toal, Martinikerkhof 27, 9712 JH Groningen, 050 - 18.10.59.